



KOMUNIKADO PA PRENSA

Fecha
28 yüni 2016

Kolaboradó di Maneho

Email
corinne.leysner@gobiernu.cw

MINISTER CAMELIA-RÖMER LO PRESENTÁ PA MINISTERIO DI VVRP PROGRAMA DI RADIO “KORSOU NA ORDU”

Willemstad – Ministerio di Tráfiko, Transporte i Planifikashon Urbano (mihó konosí komo VVRP) ta kuminsá ku un programa na radio titulá: ‘Kòrsou na òrdu’. E ta un programa kaminda Minister Camelia-Römer lo duna splikashon tokante su maneho i e trabounan ku e departamentonan den e ministerio ta hasi. Ademas, e programa ku ta tuma lugá tur djáron di 06.15 pa 07.00 di atardi na Radio MAS 99.7, lo duna oportunidat na oyentenan pa hasi pregunta i duna remarke libremente riba e maneho i/òf akshonnan tumá pa e Minister òf Ministerio di VVRP.

E programa lo tin un durashon di 45 minüt. Despues di un introdukshon dje tema di dia, ta hasi posibel pa interesadonan hasi pregunta via di e numbernan di Radio MAS 99.7 FM na 888-8997 òf via di WhatsApp òf mensahe na e number 563-7777 òf skibi bo pregunta òf remarke riba e página di Facebook di Minister Suzy Camelia-Römer. E preguntanan mester ta dirigí riba e tema ku ta trata den e programa.

E promé programa lo ta riba tur djáron i lo kuminsá 29 di yüni próksimo i e tema ku lo trata djáron awor ta: “Tereno pa tur, na òrdu”.

Minister Suzy Camelia-Römer ta invitá tur hende pa sintonisá e programa, pa asina yega na informashon bálido tokante tópikonan aktual den nos komunidad i pa asina huntu nos yega na un Kòrsou na òrdu.